

Košarkaši Francuske pobijedili Australiju i osvojili treće mjesto na SP



Francuska košarkaška reprezentacija osvojila je bronzanu medalju na Mundobasketu u Kini, svoju drugu ukupno na svjetskim prvenstvima.

Trikolori su u susretu za treće mjesto savladali Australiju rezultatom 67:59. No, do trijumfa nisu došli tako lako kao što možda sugerise rezultat.

Boomersi su odlično odigrali prvo poluvrijeme, limitirali Francuze na svega 21 poen do odlaska na veliki odmor (30:21), a zatim i krajem treće četvrtine povelu s 15 poena razlike.

Ipak, u zadnjoj dionici razgoropadili su se izabranici Vincenta Colleta, francuska selekcija je prvo došla do preokreta, a nakon što je Albicy pogodio trojku za 63:56 na minut prije kraja, postalo je jasno koja ekipa će izaći kao pobjednik iz susreta.

Najefikasniji u pobjedničkom timu bili su Nando De Colo (19 poena) i Evan Fournier (16), a kod poraženih se istakao Joe Ingles (17).

Za nas u BiH svakako je lijepa vijest da je u utakmici za treće mjesto pravdu dijelio tuzlanski arbitar Ademir Zurapović.

Finale između Španije i Argentine igra se danas od 14 sati. (SCsport, foto: agencije)

Date: 15-09-2019